




Moderamen
GBKP



Ibadah Keluarga

Rabu, 29 Juli 2020



Moderamen_GBKP



gbkp.or.id



Moderamen GBKP

1. Persikapan

- ☒ Ertoto secara pribadi
- ☒ Ngaturken si muat bagin i bas kebaktin, rende, ngoge Pustaka Si Badia ras renungen, pertoton syafaat

2. Rende KEE 320:1,2 Susah Entah Senang Gia

1. Susah entah senang gia, ibas geluh enda
Amin kita bas perbeben, ernalem man baNa
Nggeluh bas Tuhan malem ateta. Si begiken pedahNa
Pindo gegeh ras pasu-pasuNa. Ib'rekenNa man banta
2. Aminna latih mesera gegeh ib'rekenNa
Tetap ernalem man baNa kidekah geluhta
Mejingkatkan ndahiken dahinNa. G'lah meriah ukurta
Sangap kalak si rembak ras la. Terpujilah gelarNa

3. Ertoto Guna Renungen

4. Ngoge Renungen

Ogen : Jesaya 41:10

Renungen

Kegeluhén manusia i doni enda, terlebih-lebih kenca litna mara pandemi Covid-19 lit i bas kebiaren. Kebiaren sakit, kebiaren kerna dahin, usaha, anak-anak si paksana sekolah ras sidebanna. Erkiteken pandemi Covid-19 enda tahu-tahu enggo mpeturah perbeben ras kiniseran ku bas kerina dampar kegeluhén manusia. I bas ngalaken kecibal si bagenda rupana reh me kata Dibata si jadi renungen man banta wari enda. Nina "Ola mbiar, sabap Aku kap ras kam! Aku kap Dibatandu, e maka ola atendu aru. Kusampati kam, janah Aku mahanca kam megegeh. Kukawali kam, janah Kukelini pe."

Kata Dibata enda paksa si e isehken Dibata erkelang-kelangken nabi Jesaya man kalak Juda si paksana i buang ku Babel. Kalak Juda pe lit i bas kebiaren, aru ate ras kecedan ate. Dibata reh ngapuli, mpetetap ukur ras mereken pengarapen si paguh man kalak Juda. Labo rasa lalap bangsa enda ibuang, seh me paksana Dibata mulahi bangsaNa ras maba mulihkan bangsaNa ku tanéh perpadanen si enggo ibereken Dibata man bana. Tangkas kel teridah keleng ate Dibata nandanghi bangsaNa.



Kata Dibata enda pe seh man banta, ola mbiar, Aku ras kam nina Dibata. si jadi penungkenen man banta: Tek kita nandangi kata Dibata e? Adi Dibata enggo reh ras idahiNa kita, enggo nge sidahi, siendesken pingko-pingkonta ras ernalem man Dibata saja alu bulat ukur? Reh tutusna nge kita ertoto, megiken kata Dibata, nehken puji-pujin man Dibata arah ibadah keluarga, kebaktin-kebaktin (PJJ, PA ras kebaktin Minggu)? La kinlah sibahanka dibata-dibata si deban? Itegasken Dibata mulihi man banta "Aku kap Dibatandu" ertina Dibata mpersingeti mulihi maka IA kap ngenca Si Mada Kuasa, adi man baNa saja kita mbiar eme alu encidahken kehamaten ras patuh ndalanken si ngena ateNa maka ulihna: lanai lit kearun ate, isampatiNa kita i bas kerina kesusahnta, IA si erbahanca kita mgegeh, ikawaliNa kita i bas kerina pinakit, musuh-musuhta ras ikeliniNa pe.

Dibata la rahan-ahan nehken lias ras keleng ateNa nandangi kalak si erkemalangen man baNa. Erlajar kita arah turi-turin kegeluhen kalak Juda bagepe Israel. Dibata nehken ukumenna man bangsa enda eme erkiteken bangsa enda paksa si e lanai encidahken kehamaten ras erkemalangen man Dibata. Guna jadi renungen man banta pe i bas paksa-paksa pandemi Covid-19 enda guna mpelimbarui geluhta. Sura-sura Dibata segelah kerina tinepaNa mehamat dingen erkemalangen man baNa saja. Man Dibata saja kita 'mbiar' la lit kuasa-kuasa si deban si ngasup ncilakai kita, erkiteken Dibata sekawalta, amin.

5. Ertoto Kenca Renungen

6. Rende KEE 275:1,2 Kam Tuhan Sekawalku

1. Kam Tuhan sekawalku, la lit kebiarenku
Amin gulut ukurku. Ernalem tetap baNdu
Galumbang si merawa, Jadi ibas geluhku.
Lalap aku erpengendes, Sebab Kam kap bentengku
2. Aku iapuliNa, adi reh kesusahen
IberekenNa bangku, perpadanen si tetap
"Ola mbiar anakKu, Aku kap sekawalndu"
Bage kap nina Tuhanta, man banta si tek baNa

7. Pertoton Syafaat

8. Rende KEE 287:1

Kune Bas Geluhta Mara Reh Nderpa

1. Kune bas geluhta mara reh nderpa.
Arus jaga ula ukurta pera
Pasu-pasu Tuhan ula kal lupa.
KekelengenNa la kap nggo erleka

Reff.
Pasu-pasuNa siingetlah.
la kapen ulu ni tuah
Pasu-pasu Tuhan ingetlah.
Tuhan siperkuah tetap sembahlah

9. Pertoton Tuhan

Tuhan Yesus Memberkati

